


# Das fünft buch

xxij

Zwo gleiche seitten/einer dreieckichtigen fü  
gur/deren ein flacher winckel ist. A. B.



Der halben so ein stollen 77 lachtern lang ist / so wirtt die lenge sechs lachtern vnd zweier werfschuh so durchhauwen / zum mittlestten boden des schachts reichen. Aber so alle solche flache schächt 76 lachtern tieff seindt / das der letst zu boden des stollens kome / ist noch ein tieffe siben lachtern / vnd zweier quārschühnen zehauwen. So aber ein Triangell wirtt / der ein flachen winckell hatt / aber drey vngliche seitten / so mögenn als dañ abermals die weitte darzwüschen nicht gleich sein / als nemlich / so das erst mess / sechs quārschuh lang ist / das ander drey / das dritt vier / die ander schnür aber / hundertmalen vnnid ein malen sechs quārschuh / das ist hundert vnnid ein lachter / so wirt zwar die weitte / die da ist zwüschen dem mundloch des stollens / vnnid dem bodenn des letsten schachts / mitt seiner lenge drey malen hundert quārschuh erfüllenn / oder fünffzig lachtern. Aber disen das da ist zwüschen dem mundloch des ersten schachts vnd boden des stollens / wirtt die tieffe sein hundertmalen vier quārschuh / oder 66 lachtern / vnd vier quārschuh.

Drey vngliche seitten eines Triangells/  
dem ein flacher winckell ist.



So aber ein stollē 44 lachtern lang ist / so ist die überige lege des gebirgs sechs lachtern durch zehauwen / so aber die schächt tieff seindt acht vñ fünffzig lachtern / so acht lachtern vnnid vier quārschühnen die tieffe aufgehauwen / wirtt der letst schacht / den boden des stollens berüren. So aber ein triangel entsprungē / des alle winckell gspitzt seindt / vnd die drey seitten gleich / als dañ wirt das erst vnnid dritt mess gleich sein müssen / vnnid auch die weite darzwüschen / wie nuhn oftmais gesagt ist / als nemlich so ein jedes mess sechs quārschuh lang ist / das ander hundertmalen vnnid ein malen sechs quārschuh / das ist hundert vnnid ein lachter / so wirtt fürwar beide weitte darzwüschen hundert lachter in sich begreissen.

i

Drey